

Eefiye nado oda pumbwa ohole



✎ Kandume Ruusa, Sennobia-Charon
Katjiuongua, Eliaser Nghitewa
✎ Jamanovandu Urike
Kandume Ruusa, Sennobia-Charon
|| 5
😊 Oshikwanyama [k]



Global Storybooks

globalstorybooks.net

Eefiye nado oda pumbwa ohole

✎ Kandume Ruusa, Sennobia-Charon
Katjiuongua, Eliaser Nghitewa
✎ Jamanovandu Urike
Kandume Ruusa, Sennobia-Charon
Katjiuongua, Eliaser Nghitewa




This work is licensed under a Creative Commons

[Attribution-NonCommercial-ShareAlike 4.0](https://creativecommons.org/licenses/by-nc-sa/4.0)

[International License.](https://creativecommons.org/licenses/by-nc-sa/4.0)


<https://creativecommons.org/licenses/by-nc-sa/4.0>




Ongula yefiku keshe Hilifa oha penduka diva opo a ka longekidile ina ombelekeshwa. Ina okwa kala efimbo lile ta vele na Hilifa okwe lihonga nghene e na okufila ina oshisho naye mwene. Hilifa okwa kala ha ningile ina otee molwaashi iha dulu vali okupenduka. Omafimbo amwe ina okwa kala a nghundipala unene ita dulu nokupenduka, Hilifa oha penduka nokutema omundilo, ta fulukifa omeya, opo a ningile ina otee. Oha twaalele ina otee, ndele te mu telekele okatete kombelekesha. Omafimbo amwe ina oha kala ehe na eenghono ita dulu nokulya oikulya ei. Hilifa okwa kala a limbililwa konghalo yaina. Xe okwa fya nale konima yeedula mbali, ndele paife ina oye vali ou ta vele ngaha. Ina okwa li a utama unene, ngaashi naana xe a li pefimbo



Konima yepako, xekulu Kave na inakulu Muzaa
ove mu kwafa okupakela oinima ei ta i nayo
kOshakati. "Kunuu ote ke shi hafela unene
okukala e na kaume mupe," osho ve mu
lombwele. "Ohatu ku file oshisho ngaashi hatu
file oshisho okamonamati ketu." Hilifa okwa
fiya po eumbo ndele ta i mokatekisa pamwe
novakulunhu vaye vape.



Ongula yefiku limwe okwa pula ina, "Oshike hano meme? Onaini to ti po xwepo? Iho teleke vali. Iho dulu vali okulonga mepya ile okuwapaleka eumbo. Iho longekidile nge vali okabaki kange koikulya yomusha ile u koshe omudjalo wange wofikola..." "Hilifa mumati wange, ou na ashike eedula omuwoi, mumati wange, ndele oho file nge nawa oshisho." Ta tale nawa okamonamati ehe shii kutya ote ka lombwele ngahelipi. Ote shi udu ko ngaho mbela? "Ame ohandi vele unene. Oho udu moradio tamu popiwa kombinga yomukifi oo hau ifanwa oAIDS. Ondi na omukifi oo," osho e mu lombwela. Hilifa okwa kala a mwena manga okafimbo. "Tashi ti kutya naave oto fi ngaashi tate?" "Kape na epango lomukifi woAIDS."





Pepako Hilifa okwa ya komesho mongeleka ndele ta popi ondjokonona yaina. "Meme okwa li e hole nge nokwa li ha file nge oshisho nawa. Okwa lombwela nge ndi lihonge noudiinini opo ndi ka mone oilonga iwa. Okwa hala ndi kale nda hafa. Ohandi lihongo nda mana mo ndele handi longo noudiinini opo a kale e uditile nge etumba."

Inakulu Muzaa okwa telekela ovalliffya aveshe.
Xekulu kave okwa lombwela Hilifa kutya otava
shuna naye koshakati konima yepako. Xekulu
okwe mu hokololela omahokololo kombinga
yaina eshi a li okaana kokadona.




Hilifa okwa ya kotikola e na omalipulo e li
moule. Ka li ta dulu okupopya nokudanauka
nawa pamwe navakwao ngaashi shito. "Oshike
hano?" Tave mu pula. Ashike Hilifa ka li ta dulu
okunyamukula, oitya yaina oya li tai
kwe lengedja momatwi aye, "kau na epango,
kau na epango." Okwa li e na omalimbilo
kutya ote ke lifila mbela oshisho ngahelipi
ngeenge ina okwa kala ehe po vali. Ota ka kala
peni? Ota ka hanga peni oimaliwa yoikulya?







Hilifa ta kala omutumba pokataafula kaye. Ota fengaafenga oshitaafula nominwe daye mokutongolola omadidiliko oo a li a afanekwa ko “kau na epango, kau na epango.” “Hilifa, Hilifa, ou li ngaho pamwe nafye hano?” Hilifa ta petuka. Jefolou Nelao okwe mu fikamena. “Hilifa fikama! Onda ti ngahelipi?” Hilifa okwa tala peemhadi daye. “Ito mono po enyamukulo opo to tale! Magano, lombwela Hilifa enyamukulo.” Hilifa okwa li a fya ohoni shaashi, Jefolou Nelao ine mu hanyaukila nale ngaho.




Onghundana yefyo laMee Ndapanda oya tandavela meendelelo. Eumbo okwa li liyadi ovakwapata, ovashiinda nookahewa. Ova indilila meme waHilifa, ndele tava imbi omaimbilo. Ova li tava popi oinima aishe iwa ve shii kombinga yaye.




Hilifa okwa tondokela kovashiiinda. "Meme wange, Meme wange. Ita penduka," okwa li ta kwen. Ovashiiinda ova ya keumbo nahilifa nova hanga mee Ndapanda a nangala kombete yaye. "Okwa fya, Hilifa," ovashiiinda ove shi popya nendo nai.




Hilifa ota kondjo nomadiladilo ongula aish. Pe rimbo lokafudo okwa kala e li omutumba mongulu yofikola. "Ohandi vele medimo," osho a fufya ookaume kaye. Enyamukulo laye kalali naana loipupulu unene shaashi nande ka li ta vele medimo okwa li ta piyaanekwa komadilaadilo oo taa ingaana momutwe waye afa eenyiki da handuka. Jefolou Nelao ote mu tongolola nelimweneno. "Oshike sha puka," osho e mu pula. "Kape na sha," osho a nyamukula. Omatwi aye okwa uda eloko nelimbililo mondaka yaye. Omesho aye okwa mona outile oo kwa li ta kendabala neenghono okuholeka.




Hilifa eshi kwa li ta kendabala okuninga omivalu daye, eenomola oda li tadi nukauka nomutwe waye. Kakwa li naanaa ta dulu oku di koneka noku di valula efimbo lile. Divadiva okwa sholola. Ponhele yokuvalula okwa kala ta dilaadila ina. Ominwe daye oda tameka okufaneka osho shi li momadiladilo aye. Okwa faneka ina eshi e li mombete. Ote lifaneke a fikamena ombila yaina. "Ovaongeli voilonga yOmwaalu, kwafei nge mu ongele omambo aeshe," osho Jefolou Nelao a ti. Ombaadilila, Hilifa okwa mona omafano oo a faneka membo laye, ndee ta kendabala ngeno a pombole mo epandja olo, ashike efimbo ola pwa ko. Omwoongeli womambo okwa twala nale embo kujefolou Nelao.




Mefiku laxuuninwa loshikako shofikola Hilifa okwa li a hafa neenghono. Okwa lotokela keumbo a ka ulikile ina odjapo yaye. Okwa lotokela meni leumbo ta ifana, "Meme, meme, tala kondjapo yange eshi nda mona mo 'A', 'A', noo 'A' vahapu." Hilifa okwa hanga ina a nangala kombete. "Meme," osho a ingida. "Meme, penduka!" Ye ina penduka.



Jefolou Nelao okwa lombwela vali ovashiinda vahilifa kutya okwa kala nokufila ina oshisho. Ova udaneka oku mu kwafa. Onguloshi kesho umwe womovashiinda shavo ohe uya noikulya ipyu opo va lye. Hilifa alushe ohe va pe oikwambidi ya dja moshikunino.



Jefrou Nelao okwa tala omatano a fanekwa kuHilifa. Eshi onunona va pita mo va ye komaumbo, okwe mu ifana. "Hilifa ila apa, onda hala okupopya naave;" "Oshike sha pukaz?" Osho e mu pula noukeka. "Meme ota vele, okwa lombwela nge kutya oku na oAIDS. Ota fi?" Hilifa ta pula. "Kandi shi shii Hilifa, ashike mboli ota vele unene ngeenge oku na o-AIDS, omukifi ou kau na epango". Oitya oyo natango, "kau na epango. kau na epango." Hilifa okwa tameka okukwena. "Inda keumbo, Hilifa" Osho a ti, "Ohandi ya ndi talele po meme woye."




Hilifa eshi e uya meumbo okwa hanga ina ta longekida omusha. "Onde ku telekela nena Hilifa, ashike paife onda loloka nai. Tonatela oshikunino shoikwambidi ndele to kufa omanyoto amwe u twale kofitola. Otave ke tu landifila." Konima yomusha, Hilifa okwa ya koshikunino. Ota tala komaluvala a hapa nawa oikwambidi, omanyoto neendungu da tilyana nawa, omakunde male nombidi yomafo ya hapa nawa, oikapa i na omafo a hapa nawa nomapungu male male taa monika nawa. Okwa tekela oshikunino ndee ta tona omanyoto oshako iyadi ndele te a twala kofitola. "Oshikunino shavo otashi ka kala ngahelipi mbela ngeenge ina okwa fi?" osho e lipula nelimbililo.




Komatango efiku olo Magano okwe uya a kwafe Hilifa oku ka eta omeva. Hidipo okwe va kwafela okutyava oikuni. Ova kala omutumba momudile womuti womwoongo ndele tava longo oipewalonga yavo.




Eshi Hilifa a fika keumbo okwa lombwela ina
 eshi ve lihonga kofikola efiku olo. "Jefolou
 Nelao okwe tu lombwela kombinga yo-HIV
 noAIDS, nonghee tu na okufila oshisho
 omunhu ta vele. Magano nahidipo otava ka
 kwafela nge noilonga yange yomeumbo opo
 nee hatu ningi oshipewalonga shange," Hilifa
 ta lombwela ina.



Jefolou Nelao okwa fika diva eshi Hilifa a ya
 kofitola. Okwa kala efimbo lile ta popi
 nameme wahilifa. "Meme Ndapanda, oho nu
 tuu omiti doAIDS?" Osho e mu pula. "Konima
 eshi omushamane wange a fya, onda li nda
 fya ohoni okuya kundokotola," osho a
 lombwela Jefolou Nelao. "Onda li ndi na
 elineekelo kutya pamwe inandi kwatwa
 kombuto. Eshi nda tameka okweehama ndele
 handi i ku ndokotola, okwa lombwela nge
 kutya efimbo ola pwa po. Omiti itadi kwafa
 nge vali." Jefolou Nelao okwa lombwela meme
 Ndapanda osho e na okuninga a kwafele
 Hilifa.



Eshi Hilifa e ya keumbo meme Ndapanda okwe mu pula ta ti, "Hilifa mumati wange, onda hala u twale nge ndi ke liufe momaulu. Oto kwafa nge?" Hilifa okwa kwata ina mokwooko ndele ina ta yaamene kuye. Ova enda va yuka kombinga oko ku na omiti dile domakiya. Okwe mu pula, "Oto dimbulukwa eshi ho kwa li dana etanga apa namumwanyoko Kanuu? Owa fangelele okatanga komuti ou ndee taka hakele momakiya. Xo okwa li ta kendabala e ke ka tale ko ndele ta kwenyununwa komakiya."




"Oto ningi ngahelipi ngeenge wa kwatwa komukifi?" Magano osho a pula. "Iyaa, ou na oku lifila oshisho ove mwene ove to li oikulya i na oukolele. Taleni mekalata loikulya yetu," osho a ti. "Olye ta dimbuluka oikulya oyo iwa nomalutu etu?" osho a pula.




Opo nee okwe va ulikila efano. "Edi adishe omikalo odo to dlu okulongifa opo uha kwatwe ko-HIV. Ombuto yo-HIV itai ku kwata ngeenge to longifa okandjuwo ile okalikoshelo kamwe nomunhu e na ombuto, okulipapatele, okulihupta nokuminka nomunhu ou e i na nasho kashi na oshiponga. Oshi li nawa okulongifa okakopi ile okayaxa kamwe nomunhu e na oHIV ile oAIDS. Ove ito mono ombuto komunhu ta kolola ile tatu onhisha. Navali, ito i mono ombuto okudilila meemwe, moilyani imwe ngaashi eena ile eemhombu."




"Tala, oshixwa shomuve. Inda u ka tone ko dimwe u twaalele keumbo." Eshi Hilifa kwa li ta tona eembe, ina okwe mu pula, "Oto dimbuluka eshi wa li u munini, owa li ho li eembe noiti yado. Owa kala oule woshivike ino ya koixwa." "Eheeno, edimo lange ola li tali vele," Hilifa eshe e shi dimbuluka, okwa yola.




Eshi va fika keumbo, ina yaHilifa okwa li a loloka neenghono. Hilifa okwa ningila ina otee. Meme Ndapanda ta kufa okapakete ka li koshi yombete yaye. "Hilifa ei oinima yoye. Mokapakete mu omu na oinima oyo tai ku kwafele okudimbuluka apa wa dja."



Jefolou Nelao okwa fatulula omikalo dimwe odo omunhu ta dulu okukwatwa kombuto yo-HIV. "Fye ohatu dulu okukwatwa kombuto ei ngeenge twa i mekwatafano nohonde yomunhu ou e na ombuto yo-HIV ile o-AIDS. Inatu longifeni oumbi ile oulikushifo imwe novanhu vamwe ve lili. Ngeenge hatu li tyuuleni komatwi otu na okulongifa oumbi neengwiya da wapalekwa nawa. Okwa fatulula yoo nghene oumbi neengwiya i na okuwapalekwa nawa. Ngeenge otwa mono oshiponga ndele hatu di ohonde, otu na okupula ovakulunhu va wapaleke poipute yetu. Otu na okumanga oipute opo tu i amene."




Ongula yefiku la landula kofikola, jefolou
 Nelao okwe va longa kombinga yoHIV noAIDS.
 Ovanafikola ova li va tila. Ova uda oudu ou
 moradio, ashike kape na ou he shi kundatana
 keumbo. "Oha di peni?" osho Magano ta
 pula. "Oha kwata ovanhu ngahelipi?" osho
 Hidipo a pula. Mee Nelao okwa fatulula kutya
 oHIV edina lombuto. Omunhu ngeenge oku
 na ombuto yo-HIV mohonde yaye, natango
 oha monika e li moukolele. "Nongenge ova
 tameke okweehama ohatu ti ove na na
 omukifi woAIDS."



Okwa kufa oidimbulukifo mokapakete
 kooshimwe-nooshimwe. "Eli efano laxo e ku
 humbata. Oove oshiveli shaye shomumati. Eli
 efano loye eshi kwa li nde ku twala kuxokulu
 nanyokokulu, okwa li va hafa. Eli eyoo loye
 lotete wa kuka. Oto dimbuluka eshi wa li to
 kwena nonde ku udanekela kutya omayoo
 mahapu otaa ka mena natango. Eli ombadi
 nda pewelwe kuxo, konima yodula imwe, eshi
 twa hombola. "



Hilifa okwa kala e kwete okapakete ndele ta tameke okukwena. Ina okwe mu papatela ndele ta indile, "Omwene ne ku amene ye na kale naave." Okwa kala e mu papatela eshi ta popi. "Hilifa mumati wange, ou shi shii kutya ame ohandi vele neenghono, nohandi ka kala pamwe naxo moule wokafimbo kaxupi. Inandi hala u ude nai. Dimbulukwa nghene ndi ku hole. Dimbulukwa nghene xo kwa li e ku hole."



Ina ta twikile, "Xokulu Kave wokOshakati ohe tu tumine oimaliwa nge e na sha. Okwa lombwela nge kutya ote ku file oshisho. Onde shi mu lombwela nale. Oto kala ho i kofikola naKanuu, omonamati waye. Kunuu oku li mOndodo 4 e ku fa. Otave ku file oshisho." "Ondi hole tatekulu Kave nameekulu Muzaa," "Ondi hole okudanauka naKunuu". Hilifa osho a ti. "Otashi dulika u veluke ngeenge ove ku file oshisho?" "Ahawe mumati wange, itandi veluka vali nawa. Owa fila nge nawa oshisho. Ondi udite etumba oku kala ndi na omumati muwa ngaashi ove."